



samband
íslenskra
framhaldsskólanema

Ársskýrsla 2021-2022

Ávarp forseta SÍF

Kæru framhaldsskólanemar, þetta ár hefur verið ansi viðburðaríkt í sögu félagsins, líkt og mörg önnur. Heilmikið af verkefnum komu og fóru af borði stjórnar þetta starfsárið. Við skiluðum af okkur verkefnum sem fyrri stjórnir unnu samviskusamleg að og á sama tíma tókum að okkur ný og krefjandi verkefni sem komandi stjórnir munu halda lífi í. Það er mikill heiður að fá að halda góðu starfi áfram, og enn frekar að fá að afhenda það til annarra. Í fjölbreyttu umhverfi þrífumst við vel og sannaði SÍF enn og aftur mikilvægan tilgang sinn með aðkomu að flóru ágreiningsmála. Stjórn setti tóninn sem sáttnamiðlari, en fyrst og fremst ötull talsmaður framhaldsskólanema á landinu. Það sem vakti mikla gleði að þegar leið á árið sá fyrir endann á kórónuveirufaraldri og gátum við enn á ný farið að styðja við viðburðahald sem og haldið út okkar eigin viðburðum. Að halda úti öflugum félagsstarfi er þekking sem má ekki hverfa og hafa nemendafélög getað leitað til SÍF að koma aftur undir sig fótunum.

Það var mikil gleðistund þegar við skiluðum Stuðningsbankanum, sem er eitt af stærstu verkefnum SÍF frá upphafi. Stuðningsbankinn er öflug viðbót sem gerir umsækjendum kleift að bera saman skóla og aðgengi innan þeirra. Það er einlæg ósk okkar að Stuðningsbankinn fái áframhaldandi stuðning við uppbyggingu og sé leiðandi verkfæri þegar sótt er um framhaldsskóla á Íslandi.

Í kjölfarið á opnun landamæra gat stjórn heimsótt og tekið þátt í starfi nágrannalanda okkar og kynnt sér málefni sem varða alla nemendur, ekki aðeins hérlandis. Fyrsta heimsókn var í Lubek Þýskalandi, sum fengu einstakt tækifæri að heimsækja Útey. Við kynntumst nýjum verkefnum á vegum SAME (solidarity action day movement in europe). Ferðirnar urðu fjölmargar og er það samhugur stjórnar að ferðalögin eru mikilvægur hluti af SÍF til að styrkja tengsl félagsins við önnur eins erlendis. Tengslin sem urðu sl. ár munu eflaust koma okkur öllum vel um ókomna tíð.

Til að kóróna árið var haldin glæsileg söngkeppni framhaldsskólanna á Húsavík, söngkeppni framhaldsskólana er sögulegur viðburður sem SÍF mun koma til með að þróa og stjórnir setja sinn blæ yfir.

Að lokum vil ég þakka vinum mínum í stjórn fyrir óeigingjarnt starf, góðar stundir og mikinn hlátur. Það er einstakt tækifæri að fá að leiða félagið og óska ég þeim öllum, sem og sambandinu góðs gengis um ókomna tíð.

Andrea Jónsdóttir
Forseti SÍF 2021-2022

Ársskýrsla SÍF 2021 - 2022

Samband íslenskra framhaldsskólanema, SÍF, var stofnað árið 2007 við sameiningu lönneasambands Íslands og Hagsmunaráðs íslenskra framhaldsskólanema (áður Félag framhaldsskólanema).

Sambandið var stofnað með það að leiðarljósi að standa vörð um hagsmuni allra framhaldsskólanema óháð námsleið, bóknáms, - iðn, -og verknema.

SÍF er hagsmunasamtök allra framhaldsskólanema á Íslandi, um 20.000 nemenda. Aðild að SÍF eiga 33 nemendafélög, í 32 framhaldsskólum, og sem slíkt er það kröftugt þrýstiafl í samfélaginu og helsti tengiliður nemenda við stjórnvöld.

Samtakamáttur nemenda er mikill þegar mikið liggur við og leggur SÍF áherslu á að skapa vettvang fyrir þá til að hittast, ræða málin, taka ákvarðanir og láta rödd sína heyrast. Í gegnum SÍF eiga nemendur fulltrúa í ýmsum ráðum og nefndum á vegum ríkisins og víðar þar sem fjallað er um málefni er varða framhaldsskólanema. Með þeim hætti gætir SÍF hagsmuna nemenda í þeim ákvörðunum sem teknar eru.

Framkvæmdastjórn

Framkvæmdastjórn félagsins er skipuð sjö framhaldsskólanemum eða ný-útskrifuðum nemum og er kosin til eins árs í senn á aðalþingi sem haldið er í september ár hvert. Framkvæmdastjórn fundar að jafnaði aðra hverja viku á skrifstofu félagsins, þar eru ákvarðanir teknar og rætt um þau erindi sem berast.

Framkvæmdastjórn 2021 - 2022 skipuðu:

Andrea Jónsdóttir, Menntaskólinn við Hamrahlíð- Forseti

Aníta Sóley Scheving, Menntaskólinn við Hamrahlíð- Viðburðarstjóri

Bartosz Wiktorowich, Verslunarskóli Íslands- Gjaldkeri

Brimar Jörvi Guðmundsson, Menntaskólinn á Ásbrú- Varaforseti

Hrefna Hjörvarsdóttir, Tækniskólinn- Margmiðlunarstjóri

Rakel Jóna Ásbjörnsdóttir, Fjölbrotarskólinn í Breiðholti, Hagsmunastjóri

Stefán Ingi Víðisson, Menntaskólinn á Ásbrú- Alþjóðafulltrúi

Seta í ráðum og nefndum

SÍF á fulltrúa í fjöldan öllum af ráðum og nefndum á vegum Mennta- og menningarmálaráðuneytisins og víðar. Þar sem fundir þessara hópa eru iðulega haldnir á skólatíma og til að tryggja samfellu þekkingar og upplýsinga tilnefnir stjórnin gjarnan starfsfólk til setu í þeim fyrir hönd félagsins.

- Stjórn Menntasjóðs námsmanna - Telma Eir Aðalsteinsdóttir framkvæmdastjóri og varamaður Bartosz Wiktorowich gjaldkeri.
- Stjórn Vinnustaðánámssjóðs- Telma Eir Aðalsteinsdóttir framkvæmdastjóri og varamaður Sigvaldi Sigurðarsson verkefnastjóri.

- Fulltrúi SÍF í LUF er Andrea Jónsdóttir forseti og varafulltrúi Brimar Jörvi Guðmundsson varaforseti SÍF.

Skrifstofa og starfsfólk

Skrifstofa félagsins hefur verið frá stofnun verið til húsa í Hinu húsinu, ungmennahúsi Reykjavíkurborgar, að Rafstöðvarvegi 7-9 í Elliðaárdal. Þar er góð aðstaða til að funda, bæði fyrir framkvæmdastjórn en einnig fyrir fjölmennari fundi líkt og sambandsstjórnarfundi. Í Hinu húsinu er einnig Landssamband ungmennafélaga, regnhlífarsamtök SÍF, með skrifstofu og hefur það reynst farsælt fyrir bæði félögin að vera staðsett í sama húsi.

Starfsárið var það þriðja árið í röðinni þar sem tveir starfsmenn unnu á skrifstofunni, verkefnastjóri Sigvaldi Sigurðarson í 50% stöðu og framkvæmdastjóri, Telma Eir Aðalsteinsdóttir í 50%.

Nemendur af erlendum uppruna

Í tölum Hagstofunnar frá árinu 2017 kemur fram að skólasókn í framhaldsskólum er minnst meðal innflytjenda og telur SÍF það mikið áhyggjuefni og veit sem er að huga þarf sérstaklega að nemendum af erlendum uppruna sem standa höllum fæti í íslensku skólakerfi. Nemendum sem ekki hafa Íslensku að móðurmáli hefur fjölgað á Íslandi og staða þeirra innbyrðis er ólík. Þrátt fyrir ítrekaðar og fjölbreyttar tilraunir hefur gengið erfiðlega að fá ungmenni af erlendum uppruna til að taka þátt í ráðgjahópnum sem SÍF telur ýta undir mikilvægi hans og verkefnanna, nemendurnir eru afar einangraður hópur sem tekst á við ólíkar áskoranir en jafnaldrar þeirra í skólakerfinu.

Alþjóðastarf

Á starfsárinu sóttu meðlimir stjórnar mikið af viðburðum erlendis, Bartos, Hrefna og Stefán fóru í desember til Lubek í Þýskalandi að kynna sér starf SAME (solidarity action day movement in europe). Í þeirri heimsókn mynduðust góð tengsl við félagið og starfið sem að þau eru að vinna, í ferðinni fengu meðlimir stjórnar einnig kynningu á komandi viðburðum félagsins. Í þeirri heimsókn fengu stjórnarfulltrúar góða innsýn inn í stjórnar Act.ival verkefnið sem að SAME heldur árlega. Act.ival var haldið í apríl 2022 og fóru 6/7 stjórnarfulltrúum, Næst var förinni heitið til Úteyjar í Noregi þar sem Stefán, Brimar og Rakel sátu ungmennaráðstefnu um Norð á vegum Duf. Seinasta ferð stjórnar þetta starfsárið var árlegt Aðalþing Obessu, þingið var haldið í Vín í Austurríki, fulltrúi SÍF í ferðinni var Andrea Jónsdóttir Forseti.

Myndbönd

Árið 2018 hlaut SÍF styrk úr þróunarsjóði innflytjenda fyrir verkefninu *Menningarmyndbönd* (e.Culture class videos). Í þeim verður reynt verður að varpa ljósi á „ungmenna“ menningu á Íslandi, í framhaldsskólum og utan þeirra, í formi teiknimyndbanda (e.animation) en meðal þess sem fjallað verður um er t.d. hinsegin menning, félagslíf í framhaldsskólum, tíska o.fl. Myndböndin verða byggð á reynslusögum einstaklinga sem flust hafa til landsins og er hugmyndin að þau muni ekki aðeins nýttast kennurum í kennslu heldur einnig t.d. Rauða krossinum, Vinnumálastofnun og fleirum.

Þá eru vonir bundnar við að myndböndin verði einnig fræðandi fyrir foreldra ungmenna sem flytjast til landsins en SÍF hefur haft spurnir af því að ungmennti fá ekki leyfi foreldra til að taka þátt í félagslífi jafnaðra sinna þar sem það er ekki í samræmi við það sem þau eiga að venjast í heimalandi sínu.

Hugmyndin að verkefninu er komin frá fyrrum ráðgjafahópi erlendra nemenda.

Ráðgjafahópur fatlaðra nemenda og vefsíða

Vorið 2021 óskaði SÍF eftir fulltrúum nemenda í ráðgjafahóp nemenda með fatlanir og sértæka námsörðugleika, sem hittist nokru sinnum á árinu. Helstu verkefni hópsins eru að vera ráðgefendur fyrir upplýsingasíðu sem félagið vinnur að um aðgengi og þann stuðning sem nemendur geta fengið í skólum. Er síðan í anda Réttinda Ronju en Sigvaldi Sigurðarson, verkefnastjóri á skrifstofu SÍF, vann þá síðu fyrir Stúdentaráð Háskóla Íslands, SHÍ og síðar Landssamtök íslenskra stúdenta, LÍS.

Hugmyndin með síðunni er að gera úrræði fyrir nemendur sýnileg, bæði fyrir þá nemendur sem þegar stunda nám í framhaldsskólum landsins en einnig fyrir þá sem eru í efstu bekkjum grunnskóla og eru að velja sér skóla. Þá eru vonir bundnar við að síðan muni einnig virka sem þrýstiafl til betrubóta þar sem þess er þörf.

Verkefnið hefur þegar hlotið nokkra verkefnastyrki og er stefnt að því að síðan verði tilbúin á vorönn 2022.

Annað verkefni ráðgjafahópsins eru að rýna nýja stefnu SÍF sem og að vera ráðgefandi fyrir félagið í ýmsum öðrum verkefnum.

Bent er á að ofangreint verkefni fellur vel undir lið 20.1 í fjárhagsáætluninni þar sem segir að liður í því að standa vörð um gæði náms og kennslu í framhaldsskólum sé að skilgreina betur lykiltölur og birta tölfræði sem lýsir framhaldsskólakerfinu. Þar verði sjónum meðal annars beint að aðgengi náms í öllum landshlutum. Markmiðið sé að; „Nemendur í öllum landshlutum hafi aðgengi að fjölbreyttu bók- og starfsnámi sem uppfyllir kröfur næsta skólastigs og/eða atvinnulífs. Mikilvægt er að aðgangur nemenda að gæðanámi og fullnægjandi stoðþjónustu sé greiður, óháð búsetu, og að nám sé skipulagt með þeim hætti að það uppfylli kröfur næsta skólastigs og/eða atvinnulífs.“

Jafnrétti í félagslífi

Á starfsárinu tók sif að sér fljöl mörg verkefni og vandamál sem að varða framhaldsskólanema og nemendafélög í sínu strafi og námi. ekki verður greint ýtarlegar frá innihaldi málanna. Þess má þó nefna að sif átti stóran part í að leysa úr Flesnborgarmálinu og málinu sem upp kom í FSU. að vinna úr ágreiningsmálum er eitt af aðal hlutverkum sif og tökum við að okkur öll vandamál hversu stór sem smá.

#Égkýs

Félagið skipulagði #Égkýs með LUF í aðdraganda alþingiskosninga 2021. Haldið var utan um skuggakosningar í framhaldsskólum landsins þar sem framhaldsskólanemar fengu tækifæri til þess að kjósa þá flokka sem bjóða sig fram 25. september. Okkur bárust fjárhagsstyrkir frá Dómsmálaráðuneytinu, Mennta- og menningarmálaráðuneytinu og forsætisráðuneytinu fyrir verkefninu.

Söngkeppnin

Söngkeppnin 2021 átti að fara fram í vor með sjálfstæðum rekstraraðila, en vegna Covid þá þurfti rekstraraðilinn að hætta við. Vegna frekari samkomutakmarkana var tekin ákvörðun að fresta keppninni fram á haust. Reynt var að semja við RÚV um að halda keppnina með SÍF, en ekki náðist nógu gott samkomulag um fjármögnun keppinnar. Þess vegna var ákvað framkvæmdastjórn að halda keppnina sjálfstætt í Hljómahöll í Reykjanesbæ þann 9. október.

Söngkeppnin 2022 var haldið í samstarfi við BE. BE stóð að allri skipulagninu og uppihaldi keppnarinnar undir leiðslu Framkvæmdastjórnarinnar. Keppnin var haldin í íþróttarhölinni á húsavík. keppnin gekk vel fyrir sig og allir aðilar sáttir með afurðina.

Umsögn um skýrslu um brottfall úr framhaldsskólum.

Sif var beðinn um að koma með umsögn um skýrslu velferðarvaktarinnar um Brottfall úr framhaldsskólum. Málþing varðandi skýrsluna var haldinn á Grand hótel þann 15. mars. Sif flutti þar sýna skoðun á innihaldi skýrslunar og var vel tekið undir það sem við höfðum til máls. Í kjölfar málþingsins var Andreu Jónsdóttir Forseta sem að flutti erindi sif á málþinginu boðið að koma í Kastljósið og ræða ýtarlegar um innihald og áhrif skýrslunar. Þetta var eitt af stærri umsögnum sem að sif gaf frá sér þetta starfsárið og heppnaðist það með sóma.

Sýnileiki í skólum

Sýnileiki í framhaldsskólum er nýtt verkefni stjórnar sem var sett af stað haustið 2022. Markmiðið er að auka sýnileika SÍF hjá nemendum sjálfum og vera þannig til staðar innan skólans. Verkefnið var unnið náið með framkvæmdastjóra sem hafði samband við alla skóla landsins og bauð kynningu fyrir nýnema, í lífsleikni tímum og á fundum við nemendafélögum. Á 23 vikum voru yfir 10 skólar heimsóttir, bæði á höfuðborgarsvæðinu og norðurlandi. Markmið er að hafa heimsótt flesta skóla landsins á starfsárinu. Í kjölfarið boðaði framkvæmdastjórn alla nemendaformenn til fundar fyrir aðalþing 2022 að kynna fyrirkomulag fastafulltrúa á Aðalþing sem og hlutverk SÍF sem hagsmunaaðila nemenda. Verkefnið hefur gengið vonum framár.

